



Broj: 02-34-1347/23-1
Mostar, 4.7.2023. godine

Na osnovu člana 9. Zakona o kantonalnim ministarstvima i drugim tijelima kantonalne uprave ("Službene novine HNK", broj: 4/98, 1/02, 4/07 i 2/13) i člana 24. Zakona o srednjoškolskom odgoju i obrazovanju ("Službene novine HNK", broj: 8/00, 4/04, 5/04 i 8/06), Ministarstvo obrazovanja, nauke, kulture i sporta HNK d o n o s i

ODLUKU

o Kalendaru rada srednjih škola za školsku 2023/2024. godinu

I

Ovom Odlukom propisuje se početak i završetak nastavne godine, trajanje polugodišta, trajanje učeničkih odmora i broj nastavnih dana u srednjim školama za školsku 2023/2024. godinu.

II

Nastava u prvom polugodištu, za sve učenike, počinje u ponedjeljak 4. septembra 2023. godine i traje do petka, 29. decembra 2023. godine za učenike koji se obrazuju po NPP na bosanskom jeziku, a za učenike koji se obrazuju po NPP na hrvatskom jeziku prvo polugodište traje do srijede, 20. decembra 2023. godine.

Nastava u drugom polugodištu počinje u ponedjeljak, 22. januara 2024. godine za učenike koji se obrazuju po NPP na bosanskom jeziku, a za učenike koji se obrazuju po NPP na hrvatskom jeziku nastava u drugom polugodištu počinje u ponedjeljak 8. januara 2024. godine. Završetak nastave u drugom polugodištu je:

- I - III razred - nakon 175 nastavnih i 185 radnih dana
- IV razred - nakon 150 nastavnih i 160 radnih dana po NPP na bosanskom jeziku i
- IV razred - nakon 160 nastavnih i 170 radnih dana po NPP na hrvatskom jeziku.

III

Škola je obavezna tokom nastavne godine ostvariti broj radnih dana potrebnih za provedbu nastavnih sati po nastavnim predmetima utvrđen propisanim nastavnim planovima i programima, a nastavna godina ne može se završiti ranije od propisanih nastavnih i radnih dana u tački II ove Odluke.

IV

Zimski odmor za učenike koji se obrazuju po NPP na bosanskom jeziku traje od 3. do 19. januara 2024. godine. Zimski odmor za učenike koji se obrazuju po NPP na hrvatskom jeziku počinje 21. decembra 2023. godine, a završava 5. januara 2024. godine.

Proljetni odmor za učenike koji se obrazuju po NPP na hrvatskom jeziku traje od 28. marta do 5. aprila 2024. godine. Učenici koji se obrazuju po NPP na bosanskom jeziku nemaju proljetni odmor.

Ljetni odmor za sve učenike traje od završetka nastave u školskoj 2023/2024. godini i traje do početka nastave u školskoj 2024/2025. godini. Dužina trajanja odmora usklađuje se s obavezama učenika (razredni, popravni, završni ispiti, odnosno mature, obavljanje stručne prakse i drugo).

V

Godišnjim planom i programom rada škole utvrđuje se plan i raspored nastavnih dana potrebnih za provedbu nastavnog plana i programa te broj, plan i raspored ostalih radnih dana tokom školske godine potrebnih za druge odgojno-obrazovne programe škole, za školske priredbe, takmičenja, dan škole, te za izlete, ekskurzije i slično.

Planirani školski izleti, ekskurzije, odlasci u kino, pozorište, galerije i druge ustanove, terenska nastava, škola u prirodi i drugi organizirani oblici poučavanja i učenja van škole (učionice) su oblici vanučioničke nastave s ciljem ostvarivanja planiranih programskih sadržaja pa se stoga vrijeme provedeno ostvarivanjem istih računa kao nastavno i radno.

Obilježavanje 5. oktobra Svjetskog dana učitelja planira se školskim kalendarom i godišnjim programom rada škola kao radni nenastavni dan i obilježava se organiziranjem, od strane Ministarstva, prigodnih programa koji za cilj imaju promoviranje uloge i značaja učitelja u odgojno-obrazovnom procesu.

VI

U posebnim okolnostima koje nije bilo moguće predvidjeti i planirati godišnjim planom i programom rada škole, škola može odstupiti od rokova utvrđenih ovom Odlukom o čemu obavještava Ministarstvo.

Propisani nastavni dani i sati ne mogu se nadoknađivati dnevno i sedmično ako opterećenje učenika iznosi više nego što je to utvrđeno članom 23. Zakona o srednjoškolskom odgoju i obrazovanju.

VII

Ova Odluka stupa na snagu danom donošenja, a primjenjivat će se od 1. septembra 2023. godine.

MINISTAR

dr.sc.Rašid Hadžović

Dostaviti:

1. Zavodu za školstvo,
2. Srednjim školama HNK,
3. a/a.